

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA AROBAINI NA TATU

07 JUNI, 2017



ORODHA YA SHUGHULI ZA LEO

MKUTANO WA SABA

KIKAO CHA AROBAINI NA TATU – TAREHE 07 JUNI, 2017

I. DUA:

II. MASWALI:

OFISI YA RAIS (TAMISEMI):

**350. MHESHIMIWA JOHN PETER KADUTU
(ULYANKULU):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kumekuwa na maombi ya kupata Wilaya na Halmashauri ya Ulyankulu kwa muda mrefu sasa. Pia zimetolewa ahadi za kuunda Wilaya na Halmashauri tangu mwaka 2010:-

- (a) Je, ni lini Serikali itawapatia Wananchi Wilaya na Halmashauri kwani vigezo vya kuwa Wilaya/Halmashauri ni kama vile vya Jimbo ambavyo tayari vimetimia;
- (b) Je, ni kikwazo gani kimesababisha kutopata Wilaya / Halmashauri mpaka sasa.

**351. MHESHIMIWA GIMBI DOTTO MASABA
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kampuni ya Group Sogesca Lanari Estero (G.S.L.E) iliyokuwa inajenga barabara ya Nyanguge – Musoma kati ya mwaka 1979 – 1990 iliacha majengo katika Kijiji cha Yitwimila A ambapo Serikali kwa kushirikiana na Wananchi wakaanzisha Shule ya Sekondari ya kutwa:-

Je, kwa nini Serikali isitumie fursa ya uwepo wa majengo hayo kupandisha hadhi Shule hiyo kuwa ya Kidato cha Tano na Sita kwa kuwa nyumba za Walimu na Mabweni yanaweza kupatikana.

WIZARA YA NISHATI NA MADINI:

**352. MHESHIMIWA HAMIDA MOHAMED
ABDALLAH (VITI MAALUM):**

Atamuuliza Mheshimiwa Waziri wa Nishati na Madini:- Mji wa Ruangwa Mkoani Lindi una madini mengi lakini Wachimbaji walio wengi wa madini hayo ni Wachimbaji wadogo wadogo ambao hawana zana za kisasa za kuchimba madini:-

Je, Serikali haioni haja ya kuwasaidia kwa kuwapa mikopo ili waweze kununua zana za kisasa za uchimbaji.

WIZARA YA FEDHA NA MIPANGO:

353. MHESHIMIWA JAPHET NGAILONGA HASUNGA (VWAWA):

Atamuuliza Mheshimiwa Waziri wa Fedha na Mipango:- Serikali ya Awamu ya Tano imedhamiria kupunguza matumizi yasiyo ya lazima ya Serikali na Taasisi zake:-

Je, Serikali inategemea kuchukua hatua gani ili kutekeleza azma hiyo ya kudhibiti matumizi ya fedha za Umma katika Taasisi zake.

WIZARA YA UJENZI, UCHUKUZI NA MAWASILIANO:

354. MHESHIMIWA MUHAMMED AMOUR MUHAMMED (BUMBWINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Kwa kipindi kirefu sasa Bandari za Tanga na Mkokotoni zimekuwa zikitumika na kusababisha maafa makubwa kwa watumiaji:-

Je, Serikali ina mpango gani wa kuhakikisha usalama wa wasafiri hao.

**355. MHESHIMIWA VICTOR KILASILE
MWAMBALASWA (LUPA):**

Atamuuliza Mheshimiwa Waziri wa Ujenzi,
Uchukuzi na Mawasiliano:-

Je, ni nini Sera ya magari ya Serikali.

WIZARA YA MAMBO YA NDANI YA NCHI:

**356. MHESHIMIWA AMINA NASSOR MAKILLAGI
(VITI MAALUM):**

Atamuuliza Mheshimiwa Waziri wa Mambo ya
Ndani ya Nchi:-

Je, nini mipango ya Serikali ya kumaliza tatizo
kubwa la nyumba za Askari hapa nchini.

**357. MHESHIMIWA ORAN MANASE NJEZA
(MBEYA VIJIJINI):**

Atamuuliza Mheshimiwa Waziri wa Mambo ya
Ndani:- Wananchi wa Jimbo la Mbeya Vijijini
wanaipongeza Serikali kwa kuanzisha Wilaya ya
Kipolisi Mbalizi:-

(a) Je, ni lini Ofisi ya Wilaya ya Kipolisi ya Mbalizi
itajengwa zikiwemo nyumba za kuishi Askari;

(b) Je, Wilaya ya Kipolisi ya Mbalizi ina magari mangapi na Serikali ina mpango gani wa kuboresha miundombinu ya Vituo vya Polisi katika Halmashauri ya Wilaya ya Mbeya.

WIZARA YA KILIMO, MIFUGO NA UVUVI:

358. MHESHIMIWA JOSEPHINE JOHNSON GENZABUKE (VITI MAALUM):

Atamuuliza Mheshimiwa Waziri wa Kilimo, Mifugo na Uvuvi:- Serikali imekuwa ikitoa ruzuku ya pembejeo kwa njia ya vocha kwa lengo la kuwasaidia Wakulima lakini utaratibu ukiwanufaisha Mawakala wa Mbolea kuliko Wakulima ambao ndio walengwa:-

Je, Serikali inachukua hatua gani ya kuweza kubadilisha utaratibu huo na kuja na utaratibu mwingine utakaoweza kuwasaidia Wakulima.


WIZARA YA ARDHI, NYUMBA NA MAENDELEO YA MAKAZI:

359. MHESHIMIWA ESTHER NICHOLAS MATIKO (TARIME MJINI):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Ardhi ikipimwa huwa na thamani na hivyo kuwafanya wamiliki kupata

mikopo katika Taasisi za Kifedha na kuwekeza katika uchumi; katika Jimbo la Tarime Mjini ni Kata 2 tu za Bomani na Sabasaba ndizo ambazo ardhi yake imepimwa kwa asilimia 75 kati ya Kata 8 zilizopo hii inatokana na upungufu mkubwa wa Wataalam wa kupima ardhi:-

Je, ni lini Serikali itapeleka Wataalam wa kutosha ndani ya Halmashauri ya Mji wa Tarime kuweza kupima ardhi kwa Kata 6 zilizosalia ili Wananchi wa Tarime Mjini waweze kunufaika na ardhi yao.



DODOMA
07 JUNI, 2017

DKT. T. D. KASHILILAH
KATIBU WA BUNGE